



**De Iustitia Et Iure ceterisq[ue] Virtutibus Cardinalibus**

**Lessius, Leonardus**

**Antverpiæ, 1632**

15 Ad quem pertinent fructus medij temporis, quando venditionis  
contractus dissoluitur.

---

[urn:nbn:de:hbz:466:1-72459](#)

foro externo pronuntiare. Vtrum autem tale pactum in fauorem emporis sit licitum in sensibus, dicemus cap.22.dubit.10.

<sup>120</sup> Dico Tertio. Si hoc pactum appositum sit contractui venditionis in fauorem vtriusque, ita ut in potestate vendoris sit redimere, & emporis redire quando voluerit; tunc res debet minoris vendi quam per se valeat; pluris tamen, quam si cum pacto redimendi in fauorem solius vendoris venderetur. Itaque si res per se valeret 100. cum pacto autem in fauorem solius vendoris 80. dum apponitur pactum in fauorem vtriusque, valebit forte 88. vel 90. prout prudens arbitrabitur, circumstantijs consideratis. Ita docet Medina quæst. ultima, de vñsura,

*Limitatio.* Notandum Primò. Hæc omnia intelligenda esse seposito intereste ementis & vendentis. nam siemens incurrit intereste ratione emptionis, poterit minus dare pro re, & pacifici ut non redimatur, nisi post certum tempus, ut interim ex fructibus sarcias lucri iacturam. item ut vendor te-neatur eodem precio redimere.

<sup>121</sup> An deut  
actio in  
remex hoc  
pacto. Notandum Secundo. Etsi probabile sit, ex pacto de retrovendendo dari vendori actionem in rem; ac proinde posse eam vindicari vñcimumque reperta fuerit; ( quod tener Couarr.lib.3.var.c.8. n.2. & 3.) tamen contrarium videri verius, nempe vendori solùm in factum seu in personam actionem competere. vnde si emptor domū, quam ei cum tali pacto vendidisti, vendat tertio, & tradat; tu non poteris domū illam tertio eripere, sed tantum agere contra eum qui vendidit, vñdamnum tibi inde proueniens sarcias. Ita tenet Alexander, Iason, Curtius, & alij apud Couarr. & Gomez. c.2.n.29. & Molin. dif. p.374. ratio est; quia illud pactum non habet maiorem vim, nec tribuit maius ius, quam simplex venditio; atqui simplex venditio ab aliis traditio non tribuit ius in rem, sed solùm in personā, vi patet ex c.3.dub.3. ergo neq; illud pactum. sed de hoc plura infra dub.19.

Notandum Tertiò. Quando vendor redimit rem olim à se venditan, referuato iure redimēdi, non teneri alterum, è cuius manibus redimit, de euclitione, sicut vendor in venditione. quia redemptio non est empio, neque contractus aliquis, sed distractus, seu prioris contractus resolutionis. sit enim vi primi contractus, quo ipse vendidit cum tali pacto. vnde nec requirit consensum alterius, sed eo inuito fieri potest; nec debetur vestigial venditionibus impositum.

#### DUBITATIO XV.

Ad quem pertinent fructus medi temporis, quando venditionis contractus disolutur.

<sup>122</sup> Quinque  
modis uis.  
soluitur. Suppono, contractum posse dissoluiri quinque modis; de quibus vide multa apud Gomez. tom.2.g.2.n.21. & seqq. Primo. Per nouum pactum, vt si postquam absolute est initus, interposito iusto intervallo temporis, peneitate, & mutuo consensu contrahentium rescindatur. & tunc est noua venditio & emptio, sive fiat eodem precio, sive diuerso. hoc casu omnes fructus, quos res protulit eo tempore quo perseverat, est in contractu, pertinent ad primum emptorem; iuxta ea quæ dicta

sunt dubit. 13. quia ad eum pertinet periculum rei. Nec refert, etiam si contractus dissoluatur remedium legis 2.C. de rescindenda venditione; nimurum quod vendor deceptus fuerit ultra diuidium iusti pretij, & emptor nolit premium supplerre, sed major dissoluere contractum: quia fructus percipiendi, & etiam pendentes, secundum estimationem, quam rescissionis tempore habent, ad emptorem pertinent, vt docet Gomezius suprà num. 24. ratio est; quia eti in ipsum premium non dederit, emptio ramen validam fuit, & sufficiens ad dominium, sequuta traditione, transferendum; & ita percepit fructus ex re sua; & qui adhuc ex re illa pendent, ad ipsum pertinet. Confirmatur, quia nullam iniuriam fecit vendori, quod rem possederit, & fructus ex illa perceperit; sed quia iustum premium non dedit. vnde in foro conscientia solùm tenetur quanti intererat vendoris, supplementum illud pretij ab initio fuisse solutum. vnde si bona fide actum est, nihil debet.

Secundo. Ex vi pacti retrovenditionis, in prima venditione appositi; quo euentu si eodem pretio <sup>123</sup> Si resolu-  
res debet redimi, quo vendita fuit, omnes fructus, <sup>tur ex pa-  
cto retro-  
venditionis.</sup> qui à tempore venditionis usq; ad tempus redemp-  
tionis producti sunt, secundum valorem, quem tunc habent, ad emptorem pertinent; vt docet Couarr. l.1. var. c.15.n.6. & 7. cum multis aliis DD. nisi aliter conuentum tacite vel expresse fuerit. Secundum valorem autem, quem acquirunt post tempus retrovenditionis, aut postquam emptor ceperit esse in mora, nolendo rem redimi; pertinent ad priorem venditorem, cui res debet restituiri. Si vero diuerso pretio fieri redemptio, nempe pretio tunc currente, fructus omnes pendentes pertinent ad primum venditorem, qui rem redimit, sicut in aliis venditionibus. ratio est; quia hic est nouus contractus emptionis & venditionis, & ita tecum vendor potest premium augere, ratione fructuum pendentium; ibi vero non est nouus contractus, sed tantum resolutionis prioris contractus; vnde non potest premium augere, nec exigere fructuum compensationem: atqui contra equitatem est, vt cogatur rem cum suis fructibus restituere, si illam sine fructibus accepit. vide Couarr. suprà, & Molinam disput. 374.

Tertiò. Ex pacto legis commissoriae. Dicitur autem venditio resolutio ex pacto legis commissoriae, quando res alicui est vendita ea lege, vt nisi intra certum tempus premium eius soluat, res sit inempta, & commissoria. <sup>124</sup> Si res alicui est vendita ea lege, vt nisi intra certum tempus premium eius soluat, res sit inempta, & commissoria. contractus irritus; & posteā emptor intra illud tempus non soluit, tunc enim ipso facto contractus est nullus; si tamen vendor velit: quia in eius fauorem appositum fuit. vnde hæc conditione subintelligit; vt aperte colligitur ex L. 2. & 3. de legi commissoria. In hoc casu, si hoc pactum conceptum fuit verbis directis, ( id est, quibus significetur vi contractus ab initio censatur irritus, vel res inempta) omnes fructus pertinent ad venditorem. ratio est; quia etsi venditio fuit pura, seu absoluta, non conditionalis, & per eam translatum fuerit dominium in emptorem, si res ei tradita fuerit: ( vt docet Gomezius tom.2.c.2.n.30. & Couarr.lib.3.variar.c.8.n.1.) tamen ex vi pacti ita dissoluiri, ac si numquam fuisse; ac proinde omnes fructus sunt restituendi, quamus enim venditio non fuerit pendens ab aliqua conditione; tamen effectus venditionis, id est, dominium rei & fructuum, translatum in

in emptorem ita fuit pendens, vt conditione non impleta penitus euaneat ac si numquam fuisse: irritatio enim retrotrahitur ad tempus contractus. Si vero hoc pactum conceptum fuit verbis obliquis seu indirectis; (id est, quibus significatur contractum esse rescindendum in posterum, vel rem reddituram ad venditorem.) tunc fructus medi temporis pertinent ad emptorem. ratio est; quia tunc irritatio contractus non censemur retrotrahi usque ad tempus celebrationis, sed fieri solum in posterum; ac proinde fructus prioris temporis manent apud emptorem. In his tamen non tam formula verborum inspicienda, (qua sapientia ambigua est) quam mens contrahentium; si in foro conscientiae agatur.

125 Quartò, Resolutur ex pacto additionis in diem. dicitur autem venditio ex pacto additionis in diem resolutio, quando res alius est vendita ea lege, vt si intra certum tempus, (v.g. intra mensem vel annum) alius meliorem conditionem obtulerit, res sit inempta; & interim alius meliorem conditionem assert, offerendo maius pretiu, vel commodiorem solutionem, vel minori cum onere; vt explicat Couarr. suprà. & pater ex L. i. & 4. de additione in diem. In hoc casu idem dicendum, quod in tertio; nam eadem utriusque est ratio, vt ostendit d. loco Couarruias.

126 Dominium quo modo recedit ad venditorem. Aduertendum est autem Primo, In vitroque casu, si pactum conceptum sit verbis directis, dominium redire ad venditorem, etiam antequam res ei ab emptore reddita fuerit. Si autem verbis obliquis, non redire ante traditionem: iuxta communem sententiam D.D. quamvis probabile sit, in quarto casu dominium redire ante traditionem, etiam si verbis obliquis pactum fuerit concepsum, vt docet Couarruias suprà.

127 Vestigial. Secundo, In neutro casu debet vestigial ex venditione solui confuetum, si pactum verbis directis initio fuit. ratio est, quia ex vi pacti ita dissoluitur, ac si numquam fuisse: retrotrahitur enim irritatio ad tempus contractus. Nec refert, quod venditio fuit absoluta, non conditionalis; quia dominium, & omne ius acquisitum ex illa venditione, fuit quasi conditionatum, & dependens ex eventu futuro. Si autem conceptum fuit verbis obliquis, debetur; quia tunc non retrotrahitur irritatio, sed solum valet in posterum. unde venditio vim habuit absolutam usque ad tempus, quo incipit esse irritum. ac proinde ex ea est ius acquisitum Principi, sicut ex venditione, qua resolutur per pactum de rettourendendo, vide Gomezium c. 2. n. 31. vbi hanc rem clarè & fusè prosequitur.

128 Si sit conditionalis. Quinto, Si venditio sit conditionalis, & conditio impleta non fuerit: tunc enim venditio est irrita. In hoc casu, fructus omnes ante conditionem impletam percepti, pertinent ad venditorem. Nec refert, quod res tradita fuerit, & premium solutum; quia venditio non fuit perfecta, (nam eius perfectio & impletio penderat à conditione) ac proinde tradita illa nullam vim habuit ad transferendum absolum dominium rei vel fructuum in emptorem. Dico ab solutum, quia transfert aliquale dominium & ius in re, vt colligitur ex L. Sub conditione, de solutionibus, & non ibidem DD. cum Bartolo; sed illud pender omnino ab eventu conditionis, eaque non eveniente euaneat, quasi ab initio non fuisse.

Si tamen emptor ex solutione pretij pateretur

iaucturam lucri, posset eius estimationem ab initio deducere in pactum, vt si conditio impleta non fuerit, ei fiat compensatio. Si vero conditio impleta fuerit, tunc omnes isti fructus pertinent ad emptorem, sicut & res ipsa. ratio est, quia ea est natura contractus conditionalis, vt impleta conditio, eius vis retrotrahatur ad tempus contractus; quasi tunc pure celebratus fuisse, & quasi conditio tunc fuisse præsens, vt supra dubit. 129 dictum est. & docet Gomezius tom. 2. cap. 2. num. 30. ex multis Iuribus, & fusiis cap. 11. num. 30. nisi sit conditio potestaria, ( ut aiunt Iurisperiti) id est, cuius tota impletio est in postestate eius cui imponitur. hæc enim non retrotrahit contractum, vt ibidem docet Gomezius, quod intellige, nisi alia sit mens contrahentium, quæ maxime in foro conscientiae spectanda.

#### D U B I T A T I O XVI.

Utrum venditiones & emptiones reciproca eiusdem rei diverso pretio, quas Hispani vocant Baratas & Mohatas, sint licite:

Exemplum sit, Perit quis 100. aureos mutuos: mercator non vult mutuare, sed paratus est vederet illi merces creditò, summo pretio, v.g. 105. vel 106. aureis, vt eas vendat pecunia numerata cui voluerit: ille emptas offert mercatori, qui easdem emit vel pointus redimit pecunia numerata, sed minoris, pretio nimis medio vel infinito; v.g. 100. aureis, & ille manet debitor 105.

Quidam DD. existimat id esse iniustum, & palliatam usuram, quando idem redimit, qui vendit. Sed verius est non esse iniustum, etiam si redimat ipse vendor, modò intra limites iusti pretij consilari: ita vt quando vendit credito, non exceedat premium rigorosum, & quando redimit numeratò, non descendat infra iustum infimum; ita Nauarrus 23. n. 91. & Petrus Nauarrus lib. 3. c. 2. num. 170. & alij recentiores. Ratio est; quia & venditio prima iusta est, cum fiat iusto pretio, quamvis summo; & secunda etiam est iusta, quia eadem merces reuenduntur. Nec refert, quod haec reuenditio fiat pretio infimo; tum quia pretium infimum etiam est iustum, præsertim in numerata pecunia; tum quia merces, quæ à venditore ingeruntur, vilescent. Nec etiam refert, quod idem sit emptor, qui ante erat vendor; quia si alius quivis poterat illo pretio emere, cur non ille qui vendidit? Imò beneficium alteri in hoc præstari videtur, dum ille liberatur à quærendis aliis emptoribus & sumpribus in proxenetas faciendis, non tamen potest illum ad hoc cogere, sed debet omnino liberum relinquere.

Aduerte tamen, hunc modum contrahendi scripte non carere culpa in mercatore, qui ex complicito ita vendit, vt pretio infimo redimat. nam Primo peccare potest contra charitatem; vt si cogat miseriorem aliquem hominem emere merces, quibus non egit, magno illius dispendio; cum possit illi facilè, & abiliter suo incommodo mutuū dare. Secundò peccare potest præbendo malum exemplum, nam contractus ille habet speciem mali, & suspicionem vñtra. Tertiò, scriptum & suos infamando, non tamen tenetur ad restitucionem (vt inquit